

**Satana  
muimanyina**

# **KILISTO**



Mei Masangisha Kudi Watson Goodman

Kakanda aka kakena ka kuhana to

# SATANA MUIMANYINE KILISTO

Satana nmuamba mu Dî dia Nzambi ne Udi “Mukelenge wa buloba ebu”. Udi muena lukuna mutambe (bonso) wa Nzambi ne wa tshifukibue tshitambe bunene tshia Nzambi — muntu. Tuetu bantu badi ne muoyo, tudi mu tshialu tshia nvita tshidi katshî ne dinga ditekemenana. Nvita idi inunka (mikole) munkatshi mua Kilisto ne Satana. Tudi ne bua kusungula munkatshi mua babidi aba ne nganyi wikala Mukelenge wetu tshiendelele, KILISTO Mufuki — udi Imanuele (Nzambi usi n’etu) — anyi Satana, tshifukibua — udi biandi mukelenge wa ditombokela dionso dia Nzambi. Mu lufu ne dibika diende, KILISTO wakaheta ditshimuna dinene bua yonso wamuitabuja bulelela.

Satana udi uteta mu mishindu mivule bua kudinga ne kuhambula bantu. Mushindu wa kutendelele udiku umue. KILISTO, Mufuki wetu, udi muakanyine kutendelela kuonso. Tudi tufuanangana ne utudi tutendelela. Diteta dia ndekelu dia Satana bua kukuata bantu ba ha buloba bujima didi mu: (1) budishikaminyi butahuluke ne Nzambi, (2) Kutumikila Bademon, (3) Kutendelela kua “muntu wa bubu”, (4) kutendelela kua tshinfuanyi tshiende, ne (5) tshimanyinu tshia ha mubidi tshifila kudi bantu bua kuhetabo diakalenga mu kusumba anyi kusumbisha bintu bia ha buloba. Wewe dimukila malu â onso!

—Watson Goodman (1920-2002)

***Nzambi Wakafuka Lucifer Bua  
Kumuha Muaba Mutamba  
Bunene Mu Diulu***

Mukelenge Yehowa udi wamba ne, wewe wakadi tshidikishilu tshia bulengele tshishiki, mûle tente ne meji, mukumbane mu bulengele buebe. Wakadi mu Edene, budimi bua Nzambi. Wakalenge shibua ne mabue a mushinga mukole a mishindu yonso, . . . bakabiteka mu tukanu tua or. Bakakulongoluelabi mu dituku diwakafukibua. Wewe wakadi hohamue ne mukeluba wakadi ulama budimi, nakakutekamu; wakadi ha mukuna wa tshijila wa Nzambi; wakenakana munkatshi mua mabue akadi akenka ne kahia.

***Wakadi Mufukibue Muakane***

Wewe wakadi muakane tshishiki mu bienzedi biebe ku dituku diakakufukabo tô ne hakasangana bubi munda muebe.

***Nzambi Udi Ukina Bubi***

. . . bua . . . bungend'a mushinga buebe mutshima webe wakula tente ne ditomboka, ne wewe wakahona mu bubi. Bua muanda eu nakakuihata mu mukuna wa Nzambi bu tshintu tshia tshihendu kudi Nzambi, ne mukeluba, . . . mulami . . . , wakakuihata bua wewe kuikadi munkatshi mua mabue adi akenka ne kahia.

—Yehezekele 28.12-16

## 2 NTSHINYI TSHIAKAKEBA BUBI BUA LUCIFER?

Kudisua kudi kuya ku mpala kua dibutuka, mutshima wa kudi-bandisha udi uya ku mpala kua dihona.  
—Nsumuinu 16.18

Mutshima webe wakula tente ne diambu bualu bua bulengele buebe, wakanyanga meji ebe bualu bua butumbi buebe . . . .

### *Mulau Wa Ditomboka*

Bualu bua malu mabi ebe mavule, bua bubi bua bungend'a mushinga buebe, wewe wakanyanga miba yebe ya tshijila; nunku nakatemesha kahia munkatshi muenu; kakakuosha, ne nakakuvuisha bu butue hanshi ha buloba ku mpala kua bonso badi bakumona. Bonso

badi bakumanye munkatshi mua bantu ba bende nebakuatshike buowa bua bualu buebe; wewe neulue tshimanyinu tshia dibutuka didi dikuatshisha bantu buowa, ne kuena wikala ne muoyo kabidi.  
—Yehezekele 28.17-19

### *Tshifukibua Tshionso Tshidi ne Bua Kukokela Mufuki Watshi*

Nukuatshile Yehowa mudimu ne disanka. Nuiye ku mpala kuan-di ne kuimba kua misambu. Numanye bienu ne, Yehowa udi Nzambi! Nyeye mene wakatufuka, tudi bantu bandi; tudi bantu bandi ne mikoko ya mu mpata wandi.  
—Misambu 100.2, 3

## **DIHANGADIKA DIA BUDISHIKAMINYI DIA LUCIFER 3**

### ***Lungenyi Luende Nlutahuluke Ku Lua Nzambi***

Mona muwakuluka mu diulu, wewe mutoto wa nkesha, muana wa lunkelu! Mona muakukushi-  
mbulabo tô ne hanshi ha buloba, wewe nguashimbula bisamba bia bantu! Wewe wakamba mu mutshima webe ne, Nembande mu diulu, nemandishe nkuasa wanyi wa bukelenge mulu ha mutu ha mitoto ya Nzambi; nenshikame bi-  
anyi ha mutu ha mukuna wa disangisha kunfudilu kua luseke lua nôde. Nembande kulu ha mutu ha matutu, nendivuishe bu Nzambi Mutambe wa Mulu.

### ***Ludi Dihangadika Dia Midimu Ya Kunyangakaja Buloba***

Kadi neuhuekeshibue tô ne ku Muaba wa Bafue, ku ndekelu wa Tshina tshia Bafue. Badi bakumona nebakujoshe bikole, nebakuelele meji ne, eu mmuntu wakazakasha buloba, wakakankisha make-  
lenge, anyi? Eu nyeye wakavuisha buloba bu tshihela, wakabutula misoko yabu, wakahidia kulekela bena lukanu bua kuhinganabo kuabo, anyi? —Yeshaya 14.12-17

***Udi Mubiha Ku Mesu Kua  
Nzambi***

## **4 KUIKALA NE BUDISHIKAMINYI BUTAHULUKA NE NZAMBI KUDI NE NSHIKIDILU WA DIKENGA KASHIDI**

### ***Diambedi Kudi Yeye Lucifer***

*(Tangila “nengikale” itanu ya Lucifer  
mu Yeshaya 14:13, 14 Mu page 3.)*

Yeye wakabambila ne, Nakadi  
nmona Satana mukuluke mu diu-  
lu muhone bu muele wa nvula.

—Luka 10.18

### ***Kudi Banjelo Badi Balonda Satana***

... Nzambi kai muengeleke ba-  
njelo hakenzabo bibi, kadi yeye  
wakabela mu Ngena ne wakabafi-  
la mu nyongola ya mîdima, bua  
balamibuemu tô ne ku dibalumbu-  
luisha diabo.

—2 Petelo 2.4

### ***Satana Udi Ulua Kuhiana Bukokeshi Ha Mutu Ha Muntu***

... bualu bua muntu udi mubu-  
esha mu buhika kudi tshidiye mu-  
tambibue bukole.

—2 Petelo 2.19

### ***Kadi Diulu Didi Ne Bua Kuikala Anu Ne Lungenyi Lumue— Lungenyi Luakane Lua Nzambi***

Kanudifuanyikishi ku malu a  
mu tshikondo etshi, kadi nuanda-  
muke ku dikudimuna dia meshi e-  
nu bu meshi mahiamahia bua nue-  
nu nujingulule mudi disua dia  
Nzambi didi dimpe, didi dimusa-  
nkisha, ne didi diakane tshishiki.

—Lomo 12.2

Kuikadi ne nzambi mikuabo ne meme hohamue. —Dutelonome 5.7

Nuambike Yehowa butumbi bu-di buakanangane ne dina diandi. Luai ne mulambu kudiye, luai ku mpala kuandi! Tendelelai Yehowa baluate bivualu bia tshijila.

—1 Kulondolola 16.29

Yesu wakamuambila ne, Sata-na, umuka; bualu bua bakufunda di ne, Kukuila Mukelenge Nzambi webe, umuenzele yeye nkayandi mudimu. —Matayo 4.10

Nakahona ku makasa andi (a muanjelo) bua kumukukuila. Yeye udi ungambila ne, Tangila bua we-we kuenji nunku nasha. Meme ndi

muhika n'ebe ne wa bana benu ba mu Kilisto badi ne bumanyishi bua Yesu; ukukuile Nzambi . . .

—Buakabuluibua 19.10

Luai bienu, tumutendelele ne tumukukuile; tutue binu bietu hanshi ku mpala kua Yehowa Mufuki wetu. —Misambu 95.6

(Bala Genese 1.27.)

***Muntu mudingibue Udi Utendelela Ntomboji***

. . . ne ba ha buloba buonso bakakema ku nyima kua nyama wa luonji; ne bakakukuila dragon bualu bua yeye wakahesha nyama wa luonji bukokeshi . . . ne bakakukuila nyama wa luonji . . .

—Buakabuluibua 13.3, 4

## 6 KANUTENDELEDI BAFUILAKANYI NE NZAMBI TO

### *Satana Ne Bademon Badi Ne Dijinga Dikole Dia Kubatendelelabo*

Diabolo kabidi wakaya n'andi ku mutu kua mukuna wakadi mule be, wakamulesha makelenge onso a ha buloba ne butumbi buau; wakamuambila ne, Nenkuhe bintu ebi bionso, biwatua binu biebe hanshi, biwankukuila.

—Matayo 4.8, 9

Ne bantu bonso bakuabo bakashala kabai bashihibue mu bihuhu ebi, kabakakudimuna mitshima yabo bua midimu ya bianza biabo, bua kabakukuidi bademon, ne mpingu ya ngolo ne ya argent ne

ya tshiamu tshia mitaku ne ya dibue ne ya mitshi, idi kayi mima-nye mua kutangila, anyi kunvua, anyi kuenda. —Buakabuluibua 9.20

### *Nzambi Udi Ubutula Batendeledi Ba Nunku*

... ne mputa mibi idi isamisha bantu yakakuata bakadi ne tshimanyinu tshia nyama wa luonji ne bakadi bakukuila tshifuanyikishi tshiandi... ne bakalumbuluisha muntu yonso bu muakadi bienzedi biandi. Bakela lufu ne Muaba wa Bafue mu dishiba dia kahia. Elu ndufu luibidi, dishiba dia kahia mene.

—Buakabuluibua 16.2 ne 20.13, 14



## BANJELO BA KILISTO NE BANJELO BA SATANA 7

***Banjelo Ba Mukelenge Mbatamba  
Banjelo Ba Satana Bakihatshibua  
Mu Diulu Bukole***

Nuvudishile Yehowa disanka, nuenu banjelo bandi, badi bena bukutu mu bukole buabo, badi benza dî didiye wamba, badi batumikila dî dia mukenji wandi.

—Misambu 103.20

Nvita minene yakadi mu diulu; Mikaele ne banjelo bandi bakaya kuluangana nvita ne dragon; ne dragon ne banjelo bandi bakaluangana n'abo; ne kabakabahita bukole . . . . —Buakabuluibua 12.7, 8

Banjelo bonso kabena nyuma mikuatshishi mitumibue bua ku-

kuatshilabo babi bamba kuhiana luhandu mudimu, anyi?

—Ebelu 1.14

Bualu bua yeye neakufile mu bianza bia banjelo bandi kukulambo mu nshila yebe yonso.

—Misambu 91.11

***Banjelo Bakihatshibua (bade-  
mon, nyuma mibi) Bakahunga  
Dî Anu Bua Kufikisha Muntu  
Mu Ngena***

Kadi Nyuma udi wamba hatoke ne, Halua bikondo bia kunshikidilu ha buihi, bantu bakuabo neba-lekele ditabusha diabo, balamata ku nyuma idi ihambuisha ne ku mayisha a bademon. —1 Timote 4.1

## 8 SATANA UDI NGANYI NE TSHIDIYE UTAMBA KUKINA NTSHINYI?

### *Muntu Wakafukibua Ku Tshifuanyikishi Tshia Nzambi*

Hakadiye ulue, demon wakamu-  
kuma hanshi, wakamuhaluisha  
bibu. Kadi Yesu wakabela nyuma  
wa bukoya, wakashikisha disama  
dia muana, wakamuhingisha mu  
bianza bia tatu'andi.

—Luka 9.42

### *Kilisto (Nzambi Mulue Muntu), Udi Ne Luhandu Mu Nfukilu Wende Ne Mu Mashi a Bunzambi*

Hashishe Helode wakakuatshi-  
ka tshishi tshikole, wakadianjila  
kutuma bua kushihabo bana bo-

nso bavu mu Beteleheme kubangi-  
la ha ba bidimu bibidi tô ne kuin-  
shi, bilondeshile ba tshikondo  
tshiakamanyineye kudi Bena Me-  
shi.

—Matayo 2.16

### *Tshisamba Tshisungula Tshia Nzambi, Isalele*

Hakatangila dragon ne, Nakue-  
dibua ha buloba, wakakengesha  
mukashi wakalela muana mulu-  
me.

—Buakabuluibua 12.13

### *Bena Kuitabuja Baledibua Mu Nyuma Muimpe*

... muena lukuna wenu, diabo-  
lo ... udi wendakana ... ukeba ba-  
ntu ba kudieye.

—1 Petelo 5.8

***Udi Widikija Tshimanyinu Tshia Muena Bualu***

Mulau kawena wikalaku kabidi; nkuasa wa butumbi wa Nzambi ne wa Muana wa Mukoko neikalemu; ne bahika bandi nebamukua-tshile mudimu; ne nebamone mpala wandi; ne dina diandi nedikale ha mpala habo.

—Buakabuluibua 22.3, 4

***Udi Wonesha Lumu Luimpe Ku Mashimi***

... Kadi bakuabo badiku badi banutatshisha, badi bakeba kuse-suisha lumu luimpe lua Kilisto.

—Galatia 1.7

***Udi Widikija Midimu Ya Nzambi Bantu aba nunku badi baposto-***

lo badingi, bena mudimu ba mashimi, badi badiandamuna bu bapostolo ba Kilisto. Ne kembualu bua kukema nasha; bualu bua Satana mene udi udiandamuna bu muanjelo wa munya.

—2 Kolinto 11.13, 14

***Bishima Bia Nzambi Bidi Bimanyinangana Ne Bilenga Bia Mashimi Bia Eu Mubi***

1 Tes. 2.9; Buak.13.13, 14; 19.20

***Satana Biende Udi Wangata Bukokeshi Mu Bantu Badi Bamutumbisha Anyi Badi Batumbisha nzambi Yende***

Yehowa Nzambi wetu, bakelenge bakuabo bakadi kabayi bu wewe bakutukokeshi . . . —Yeshaya 26.13

Bana bakese, nudilame kudi mpingu. —1 Yone 5.21

Kuikadi ne nzambi mikuabo ne meme hohamue. Kudisongedi luhingu anyi tshifuanyikishi tshia tshintu tshia mu diulu anyi tshia tshintu tshia hanshi ha buloba anyi tshia tshintu tshia mu mai adi muinshi mua buloba. Kubinami-nyi, kubitendeledi . . . .

—Ekesode 20.3-5

*Nzambi Mikuabo Ntshintu  
Tshibiha Ku Mesu Kua Nzambi.  
Nzambi Udi Ukandika Milambu  
Idi Bantu Badilongoluela Mu  
Ngenyi Yabo*

Nuenu nudi ne bualu bua kuji-

misha miaba yonso yakadi bisa-mba binudi nuihata bitendeledelaku nzambi yabo ku mutu kua mikuna mile, ne ku mutu kua tukuna tukes ne muinshi mua mitshi mibishi . . . .Nudimuke, kanukuatshibu kudi mateyi abo bua kubalonda, habajimishabo ku mesu kuenu . . . . Kanuenzedi Yehowa, Nzambi wenu, nunku bualu bua bobo badi benzela nzambi yabo malu onso mabi adi atonda Yehowa; bualu bua bobo badi boshila nzambi yabo bana babo balume ne bana babo bakashi mene mene ha kahia.

—Dutelonome 12.2 ne 30, 31

*Anu Mashi a Kilisto Adi  
Mamanye Mua Kusukula Mibi*

***Dihala Dia Kutendelela  
Kua Mpingu***

Kadi Nzambi wetu udi mu diulu, yeye utu wenza malu onso adiyе musue. Mpingu yabo idi ya tshiamu tshia argent ne tshia or, bintu bienza kudi bianza bia bantu. Idi ne mukana, kadi kayena yakula; idi ne mesu, kadi kayena imona. Idi ne matshu, kadi kayena yunvua; idi ne mûlu, kadi kayena inunkila. Idi ne bianza, kadi kayena ilenga tshintu; idi ne makasa, kadi kayena yenda. Kayena yamba dî mu miminu yai. Bayenji badi bafuanangana n'ai, bulelela, bonso badi bayeyemena badi nuku.

—Misambu 115.3-8

***Kutendelela Mpingu Kudi  
Kutendelela Bakishi***

... nyemai kutendelela kua mpingu. Kadi ndi ngamba ne, Bintu bidi bantu ba bisamba bia bende bashiha bu mulambu badi babishihela bademon, kabena babishihela Nzambi; tshiena musue nuenu nuikale ne buobumue ne bademon.

—1 Kolinto 10.14 ne 20

***Dinyoka Didiku Bua  
Kutendelela Kua Mpingu***

... Batendeleli ba mpingu, ... luseke luabo neluikale mu dishiba didi ditema ne kahia ne soufre; didi lufu luibidi.—Buakabuluibua 21.8

## KUTENDELELA KUA MPINGU (BAKISHI) NKUHIDIBUE KUDI NZAMBI

### *Kanuikadi Ne Mpingu Mu Nzulu Yenu!*

Nuoshe mpingu yabo yakasongabo ne kahia: . . . bualu ebu budi butonda mutshima wa Yehowa, Nzambi wenu. Kanulu ne tshintu tshidi tshitonda Yehowa mu nsubu muenu bua kufuanangana n'atshi . . . —Dutelonome 7.25, 26

*Bua tshinyi bantu ba bungu ba mu tshisamba tshisungula tshia Nzambi bakadi bakuatshike bademon mu tshikondo tshia mudimu wa Kilisto? Bualu banka mbua babo bakadi batendeledi ba bakishi!*

Bakakuatshila mpingu yabo mudimu, yakalua buteyi kudibo. Bulelela, bakashihela bademon bana babo baledibue, balume ne bakashi, bu milambu. Bua malu â tshiji tshia Yehowa tshiakatema bantu bandi bua kubakengisha, yeye wakakenuka ba mu buhianyi buandi.

—Misambu 106.36, 37 ne 40

Kubinaminyi, kubitendeledi; bua meme Yehowa, Nzambi webe, ndi bianyi Nzambi wa mukau; ntu ngatumina bana ba tshihungu tshisatu anyi tshinai badi n'anyi lukuna mibi ya batatu'abo.

—Ekesode 20.5

**Kuitabushi bua muena muhongo mukashi ashale ne muoyo.**

—Ekesode 22.18

**Nengumushe bia kutempa n'abi mbuku mu tshianza tshienyu; kanuena nuikala ne batempeshi ba mbuku kabidi.**

—Mika 5.12

**Kutomboka kudi bualu bubi bu butempi bua mbuku ne tshitshu tshidi bu kutendelela kua mpingu ne manga a hatuhu. . . .**

—1 Samuele 15.23

**Hanuabuella mu buloba budi Yehowa, Nzambi wenu, unuha, kanuyidi bua kulonda ku nyima kua malu a bundu a bisamba abi. Muntu kikadi munkatshi muenu udi**

**utambisha muan'andi mulume anyi muan'andi mukashi mu kahia nansha mutempi wa mbuku, nansha muena dijimbu nansha muena bilengulengu, nansha muena buloshi, nansha musesuishi wa bantu ne miloû yandi, nansha mutendeledi wa bakishi, nansha muena muhongo, nansha muena lubuku lua muzangu. Muntu yonso utu wenza malu au udi bu tshintu tshibi ku mesu kua Yehowa. . . .**

—Dutelonome 18.9-12

**Lubuku Lua Muzangu:** Ndungenyi lua kuamba malu adi ne bua kulua bikondo kumpala ku diebeja malu kudi mikishi anyi nyuma ya bantu bafue: majimbu a mîdima.

# 14 KUDIANJILA KUAMBA MALU ADI NE BUA KULUA BIKONDO BIA HASHISHE KU DIEBEJA MIKISHI

*Nzambi Nmukandike Diyila  
Ngenyi Kudi Mitoto, Muhongo,  
Kutaha Nsalu Ne Kuenza Kua  
Bimanyinu Ha Mubidi*

Kanudi tshintu ne mashi atshi;  
kanutempi mbuku; kanuenji bile-  
ngulengu. Kanutahi mputu ha-  
m'bidi henu bua kujinga n'ai ba-  
ntu bafue, kanutahi nsalu ham'bi-  
di henu: meme ndi Yehowa.

—Lewitiki 19.26 ne 28

... nengikale mumonyi udi utui-  
sha batempeshi ba mbuku ne be-  
na masandi lubilu, bantu badi ba-  
ditshiha ne mitshihu ya mashi-  
mi . . . .

—Malaki 3.5

Bualu bua mpingu ya telafima  
idi yamba mei a hatuhu, batempi  
ba mbuku badi batempa ne mashi-  
mi; badi balota bilota badi bawila-  
ngana bilota bia mashimi, badi ba-  
sambangana ne busambi bua tshi-  
anana. Bua malu â bantu badi ba-  
tatakana bu mikoko, badi bake-  
nga kabayi ne mulami.

—Zekâya 10.2

**Kutempa:** Kuamba kua malu adi ne  
bua kulua, anyi adi kâi mamanyibue ku  
diambuluisha dia njila mibuelakane.

**Muhongo:** Majimbu makolesha ne dia-  
mbuluisha dia, nyuma mibi.



# MBIMPE KUEHUKA MISHINDU YONSO YA KUTEMPA

15

## *Kutempa Ne Diambuluisha Dia Nyuma Ya Batuakadi n'abo (Mikishi)*

Hanuambila bantu ne, Nukebe lungenyi kudi bena lubuku lua muzangu ne kudi bena muhongo badi bakula bu biambi ne badi banungana, bualu kabuena bukuata bantu bua kukeba lungenyi kudi Nzambi wabo, anyi? . . .

—Yeshaya 8.19

## *Kutempa Ne Diambuluisha Dia Bintu Bidi Bimueneka, Binfuanyi*

Bualu bua mukelenge wa Babulona udi wimana ku masangu a nshila, kundekelu kua nshila ei

ibidi, bua kutempesha lubuku; udi unyungisha mikete, udi webesha telafima, udi utangila mu mutshima wa nyama. —Yehezkele 21.21

## *Dinyoka Didiku Bua Batempi*

Nunku Shaula wakafua bualu bua bubu buandi buakenzeleye Yehowa ne bua dî dia Yehowa diakahidieye; ne bualu bua yeye waka-keba lungenyi kudi muena buloshi, kakebesha Yehowa . . .

—1 Kulondolola 10.13, 14

Bamonyi ba malu nebatataka-ne, batempi nebakuatshike bundu; . . . bualu bua Nzambi kena ubitaba. —Mika 3.7

## NJILA IDI MUKOKESHI WA BULOBA EBU UKUATSHILA MIDIMU

### *Bantu Ba Bende Badi balonda Ngenyi Ya Mayila a Mitoto*

Yehowa udi wamba ne, Kanulondi nshila wa bisamba bia bantu, kanuikadi ne buowa bua bimanyinu bia mu diulu; bualu bua bisamba ebi bidi ne buowa bualu buabi.  
—Yelemiya 10.2

Kanuteki ditekemena mu mikanda anyi bintu bienza bua kufila “diakalenga” ne kanueyemenyi misambu ya bakishi anyi binfuanyi bibi. “**Tshiena nteka tshintu tshibi ku mesu kuanyi**” —Misamba 101.3. Lekela dikebekeba dia matumbi, lubombo, ne kutendelela kua bafua.

Mulau wikale kunudi, . . . bena lubombo! badi bamueneka bulelela bimpe ku mesu kadi munda mûle tente ne bukoya bua mishindu yonso.  
—Matayo 23.27

### *Kudiha Lufu Lua Ku Bukole Mbualu Bufume Kudi Diabolo*

Ke mbimpe kuitabuja mashimi a Satana anyi bademon adi amba ne biadishiha muntu, udi uheta dikisha ku malu a ha buloba ne neasungidibua ku dihila “**Kushihianganyi**” —Ekesode 20.13.

### *Anu Kilisto Udi Usungila Ku Dihila*

*(Tangila Page 48 ne 49.)*

***Mukana Mua Ba Profete Ba Mashimi***

**Ka Yehowa wakungambila ne, Baprofete badi bamba mei a mashimi mu dina dianyi. Tshiakubatumama, tshiakubaha mukenji, tshiakubambila di dianyi. Badi banuambila tshikena kumona tshia mashimi, mei a mbuku, malu a hatuhu ne mei a kudinga a mu mitshima yabo.** —Yelemiya 14.14

***Anyi Mu Kuakula Ne Mikishi***

**Ku buenzeji bua Nzambi, Mukeleunge Davidi wakamba bua muan'andi "Kadi... wakamana kufua, ... yeye kena mua kuhingana kundi."** —2 Samuele 12.23

**Kuakudi ne nyuma mibi nasha, mbi-**

**mpe anu kuisamina mu dina dia Kilisto Bua Kumukai. Kanutekemenyi dibala dia malu mu mishonyi ya mu bianza, anyi bimanyinu bifuanyikija kudi ngenyi ya bantu bua kunvua miakulu ya nyuma mikuabo ne mei a mu mpepele anyi majimbu. "...Luhandu lulualua kudi Yehowa."** —Nsumuinu 21.31

***Shiha Mpingu Yebe Yonso, Nmikanda Ya Satana, Majimbu a Midima***

**Bena matempu ba bungi baka-sangisha mikanda yabo, bakayotsha ku mesu kua bantu bonso. Bakabala mushinga wai, bakausangana muikale bituha bia argent mbombo itanu.** —Bienzedi 19.19

**(Bala Genese 35:2-5.)**

# 18 KILISTO WAKAFUKA MUBIDI WA BULUME NE WA BUKAJI—KADI SATANA UDI UBIONESHA

*Bituha Bia Buntu Biakadi  
Bifukibua Anu Bua Dibaka*

Ne lubale luakangata Yehowa Nzambi kudi mulume, yeye wake nza n'alu mukashi, wakalua n'andi kudi mulume. . . Bua bualu ebu mulume neashiye tatu'andi ne mamu'andi, nealamate mukashi wandi; bubidi buabo nebikale mubidi umue. —Genese 2.22 ne 24

Dibaka dikale dinemekibua munkatshi mua bantu bonso, bulalu kabunyanguki; Nzambi nealumbuluishe bena masandi bajike ne bena masandi babake.

—Ebelu 13.4

Nudi bamanye bienu bulelela

ne, Kakuena muena masandi anyi muena mutshima mubi. . . udi ne buhianyi mu bukelenge bua Kilisto ne bua Nzambi. —Efeso 5.5

Ndi ngambila bena dibaka di, kememe udi wamba kadi mMukelenge udi ubambila ne, Mukashi kumuki kudi mulume wandi, (kadi biumukeye kudiye, ashale biandi mujike, anyi alengeshe ne mulume wandi) ne mulume kalekedi mukashi wandi. —1 Kolinto 7.10, 11

(*Bala Lomo 7:2, Mâko 10:9.*)

Yeye utu wenza bibi udi wa dia bolo; bualu bua diabololo udi muenze bibi ku tshibangidilu. . .

—1 Yone 3.8

# MANAYA A BUNDU NE MASANDI BIDI KUTOMBOKELA NZAMBI

19

Kuendi masandi. —Ekesode 20.14

Bua bualu ebu budi disua dia Nzambi, tshijila tshienu mene, bua nuenu nudikande ku masandi.

—1 Tesalonike 4.3

Mulume udi wenda masandi ne mukashi wa mulume mukuabo, nebashihe mulume ne mukashi wakendeye n'andi masandi.

—Lewitiki 20.10

... Mubidi kawenaku bua masandi, kadi udiku bua Mukelenge; ne Mukelenge udiku bua mubidi. Kanuena bamanye ne mibidi yenu idi bituha bia mubidi wa Kilisto, anyi? ... Nyemai masandi. Bubi buonso budi muntu wenza kabu-

ena bua mu mubidi, kadiudi wenda masandi udi wenzela mubidi wandi mene bibi.

—1 Kolinto 6.13, 15 ne 18

Kuendeshi muan'ebe mukashi masandi; malu a masandi neikale mu buloba, ne buloba nebuikale ne malu mabi tente. —Lewitiki 19.29

**Manaya a Bundu:** Mudimu wonso anyi dinaya dionso dienza ne bia ha mesu hankatshi ha badi kabayi basela anyi basedibue (bajike).

**Masandi:** Mudimu wonso anyi dinaya dionso ne bia ha mesu dienza ne muntu mukuabo yonso udi kai mukuebe wa mu dibaka (mulume webe anyi mukaji webe).

## 20 SATANA WAKATAMBIBUA BUKOLE KU LUFU LUA KILISTO

Bua bu mudi bonso bafua mu Adama, nunku mu Kilisto kabidi bonso nebavuishibue muoyo.

—1 Kolinto 15.22

Bualu bua bana bakuabanyangana mubidi ne mashi, yeye mui-ne kabidi wakadiangatshila bintu bin'ebe muomumue; bua ku lufu luandi yeye amuvuishe tshianana udi ne bukole bua lufu, ndiabolo mene; ne bua yeye ahikule bonso aba bakadi bakuatshibue mu buhika matuku onso a muoyo wabo bua ditshina diabo dia lufu.

—Ebelu 2.14, 15

... Bua bualu ebu Muana wa Nzambi wakamueneshibua bua

kubutuleye midimu ya diabolo.

—1 Yone 3.8

Hakadiumushileye makelenge ne makokeshi, wakâmuenesha hatoke to, wakâkoka bu muatambi ku mutshi wandi mutshiamakane.

—Kolosai 2.15

### *Eu Ke Muoyo Wetu Wa Tshiendelele Mu Kilisto*

... Kadi katataka wakamuene-shibua bualu bua dimueneka dia Musungidi wetu Kilisto Yesu, wakajimisha lufu, wakamuenesha muoyo wa tshiendelele ne udi kawi mua kunyanguka mu munya, bualu bua lumu luimpe.

—2 Timote 1.10

... muena lukuna wenu, diabololo... udi wendakana bu nyama wa ntambue udi ukungula, ukeba bantu ba kudieye; numutantame ne bajalame mu ditabusha....

—1 Petelo 5.8, 9

Luatai bintu bionso bia nvita bia Nzambi, bua nuenu numanye mua kuimana bakandamana ku mpala kua mateyi a diabololo. ... bua nuenu numanye mua kudi manyika bimpe halua dituku dibi, ... bamane kusuika bulelela mu bifuka bienu ... bamane kuteka buakane bu tshibuikilu tshia ha tshiadi; bamane kubuesha makasa enu mu bisabata bia... lumu luimpe lua ditalala. Ha mu-

tu ha bintu bionso nuambule ngabu wa ditabusha, unudi mua kuehela n'andi miketa yonso ya Satana idi ne kahia kasuikaku. Nuanagate tshifulu tshia luhandu, ne muele wa Nyuma udi di dia Nzambi; nutendelele... misangu yonso... mu Nyuma... nuikale babatabale....

—Efeso 6.11-18

Nunku nudikokeshe kudi Nzambi; kadi nukandamene diabololo ne yeye neanunyeme. —Yakobo 4.7

... yeye (Kilisto) udi munda muenu udi uhita yeye (Satana) udi wa mu buloba bunene. —1 Yone 4.4

Bua tshinyi Satana udi unyema: Bualu Kilisto udi munda muebe!

*Udi Biandi Dî Dia Nzambi*

Nzambi . . . Kunshikidilu kua matuku â wakatuambila bietu dî kudi Muana wakatekeye muhianyi wa bintu bionso, wakafukeye n'andi buloba kabidi. —Ebelu 1.1, 2

Diyisha diandi diakabakememsha, bualu bua yeye wakabayisha bu muena mei, kakadi bu bafundi.  
—Mâko 1.22

Kadi ku mesu kuetu Nzambi umue udiku, Tatu mene; bintu bionso biakafuma kudiye, ne tuetu tudiku bua bualu buandi; ne Mukelenge umue, Yesu Kilisto, bintu bionso mbua bualu buandi ne tuetu tudi bua bualu buandi kabidi.  
—1 Kolinto 8.6

Yeye wakamuha bukokeshi bua kulumbuisha, bualu bua yeye u-di muana wa muntu. —Yone 5.27

Udi ku tshianza tshia bukole tshia Nzambi, mumane kubuela mu diulu; banjelo ne makokeshi ne makole biakavuishibua ku nyima kuandi.  
—1 Petelo 3.22

Bua bualu ebu Kilisto wakafua, ne wakadi ne muoyo kabidi, bua yeye ikale Mukelenge wa bafue ne wa badi ne muoyo kabidi.  
—Lomo 14.9

Yesu wakalua kudibo, wakambila ne, Bakumana kumpa bukokeshi buonso mu diulu ne ha buloba.  
—Matayo 28.18



# KILISTO UDI WAKULA NE WENZA MALU NE BUKOKESHI

23

Yeye wakabika, wakabulukila luhehele, wakambila dishiba ne, Hua, talala talalâ. Luhehele lua-kalekela, muaba au wakatalala talalâ.

—Mâko 4:39

Kadi bua nuenu numanye ne, Muana wa muntu udi ne bukole hatshidiye ha buloba bua kujimisha mibi (yeye wakambila muena kaneke ne), Ndi nkuambila ne, Bika, ambula bulalu buebe, ya ku nsubu kuebe. . . . wakabika, wakambula bulalu buandi lukasa, wakumuka ku mpala kua bonso; bantuu bonso bakakema bua bualu ebu, bakatumbisha Nzambi . . . .

—Mâko 2.10-12

Nyuma wa bukoya wakamuhaluisha, wakela dî diandi bikole, wakahatuka munda muandi. Bakakema bonso, bakakonkangana ne, Etshi ntshinyi? Diyisha dihiadihia; yeye udi ne bukole bua kuela nyuma ya bukoya dî, imunvulle.

—Mâko 1.26, 27

## *Ubisha Bantu Ku Lufu Ne Bukokeshi*

. . . Yesu wakamba ne, Nsongalume, ndi nkuambila ne, Bika. Wakadi mufue wakabika, wakashikama, wakabanga kuakula, Yesu wakamufila kudi mamu wandi.

—Luka 7.14, 15

## 24 KILISTO UDI UHA BADI BAMULONDA BUKOKESHI NE BUKOLE HA MUTU HA BUKOLE BONSO BUA MUENA LUKUNA

Nakunuha bukole bua kudiata nyoka ne tuminyiminyi, ne bua kuhita bukole buonso bua muena lukuna; tshintu katshiena tshinuzenza bibi. Yeye wakabikila bayidi bandi dikumi ne babidi, wakabaha bukole ne bukokeshi bua kukokeshabo bademon bonso, ne bua kukoleshabo bakadi ne mabedi. —Luka 10.19; 9.1

Bulelela, ndi nuambila ne, Muntu yonso wambila mukuna eu ne, Ubishibue, wedibue mu mai manene, yeye neikale ne bualu buakulombeye bikaleyeye kai ne mpata munda, bikaleyeye witabusha ne, Bualu

bundi ndomba nebulue.

—Mâko 11.23

Bulelela, bulelela, ndi nuambila ne, Wangitabusha nenze biandi kabidi malu antshidi ngenza . . . .

—Yone 14.12

Yesu wakamuambila ne, Binamanya mua kuenza bualu! Bitabusha muntu, malu onso adi mua kumuenzekela. —Mâko 9.23

Ne bua nuenu kumanya budi bunene buhite bua bukole buandi kutudi tuetu badi bamuitabusha. Wakatulesha bu mudi kuenzeshakua bukole buandi bunene.

—Efeso 1.19

## MUSHINDU WA KUIHATA NYUMA YA BUKOYA 25

Bua Yesu wakamana kumuera dî ne, Hatuka munda mua muntu eu, wewe nyuma wa bukoya. Yesu wakamukonka ne, Dina diebe nganyi? Wakamuambila ne, Dina diani didi Legona, bualu bua tudi ba bungu. . . . Nyuma ya bukoya yakaluhuka, yakabuera munda mua ngulube . . . —Mâko 5.8, 9 ne 13

. . . Yesu . . . wakabela nyuma wa bukoya, wakamuambila ne, Wewe nyuma wa kamama ne wa mahaha, ndi nkubulukila ne, Umuka munda muandi, kubuedimu kabidi. Nyuma wakela dî bikole, wakahaluisha muana bikole, wakumuka munda muandi; muana wakadi bu muntu mufue; ba-

ntu ba bungu bakamba ne, Wafu. Kadi Yesu wakamukuata ku tshianza, wakamubisha, wakabika. . . . Mushindu eu udi mumanye mua kumuka anu ku ditendelela ne ku didijidila.

—Mâko 9.25-27 ne 29

. . . Paulo . . . wakatshinguluka, wakambila nyuma mubi ne, Ndi nkuambila mu dina dia Yesu Kilsto, umuke munda muandi. Ha diba adi mene wakaluhuka.

—Bienzedi 16.18

Yesu wakamusamina ne, Hua, umuka munda muandi. Hakamuela demon hanshi munkatshi mua-bo, wakumuka munda muandi, kai mumuenzele bibi. —Luka 4.35

## 26 DINA DITAMBA BUNENE DIA YESU KILISTO

Nengenze malu onso anualomba mu dina diany, bua Tatu atumbishibue bua Muana.

—Yone 14.13

Ne bua bualu ebu Nzambi waka-

Meme mumane kuhingana mu Afrique ne muena kuanyi ne Bana betu mu ditabuja bua kuenzela Kilisto mudimu, nakabika ku tulu butuku bukuabo mukuatshike nyuma mutamba bubi, mungimanyine ha mutu. Hanakakuha tshinu tshiany bua tshikume ku tshiandi bua kujadika ne tshinvua mumona ntshilelela, yeye wakasakila tshinu tshiany kunyima diakamue ne bukole bua bungi kulueye lukasa luonso mutangila ku nshingu wanyi bua kunifukelaye. Nakela lubila anu mei asatu, “Yesu, ngambuluishe (meme)”. Diakamue wakanyema. Mu dina dia Yesu mudi bukole budi butshinyisha Satana ne bademon. Tendeke na dina dia Kilisto bua kuheta luhandu ne buhikudi. (Lomo 10.13)

Mukaji mukuabo wakatuambila muena kuanyi ne meme ne hakadiye mu College, nsongalume mukuabo wakalua kumuangata bua kuyabo kuendakana mu njila wa kaulu. Ne hakafikabo munga muaba, nsongalume

mubandisha kulu kulê, wakamuha dina didi ha mutu ha dina dionso; ne bua mu dina dia Yesu binu bionso bitue hanshi . . . .

—Filipoi 2.9, 10

wakasua kumushiha bua kushiminyina bu ne wakadi mushiha kudi kaulu. Hakasamineye nsongalume eu mu dina dia Yesu Kilisto, au wakahanga bukole kumpala kuende. Yeye wakendesha nsongalume au kumpala kuende mu njila mujima wa dihingana bua kufika ku tulasa.

Mukaji mukuabo wakatuambila muene kuanyi ne meme ne: mu matuku a buana buanyi, mu kuhanga lungenyi, nakakangula bibi bia nzubu wanyi bua bena manaya a “biuma” kuenzelabo manaya abo mu nzubu muanyi. Kunyima kua bualu ebu, nyuma mibi kutuadijaye disasula bintu bia mu nzubu ku musangu ku musangu. Mu kushikila kuandi, wakaisamina mu dina dia Yesu ne yoyi kuhatuka mu nzubu.

Kunvuidi Satana anyi bademon luse anyi kuhungi n’abo tshiendelele. Kihatshila kabo kamue kadi anu bua utambe kuikala ku luseke luabu ha mutu ha kuikala ku luseke lua Nzambi. Muena Kilisto mukuabo wa kale mukua-tshike ne matekete a mubidi ne dihalakana wakangambila malu avua Satana umuambila. Wakadi uhangadika bua “kumubueja mu diteta.” Nakajingulula ne Satana udi muhiluke mu kudinga bantu ne kabiena bimpe kuitaba ku dî nasha dimue didiye ukuambila. Nakasamina Satana mu dina dia Bukole dia Yesu Kilisto. Wakalua kumueneka mûjibue tente ne ditalala mu Kilisto mbingu mikuabo itanu ya hashishe kumpala kua yeye kufua.

— *Watson Goodman*

## 28 DISHILANGANA DIA KILISTO NE SATANA

### *Kilisto Udi Nzambi Mufuki*

Bualu bua munda muandi muakafukibua bintu bionso bia mu dilulu ne bia ha buloba, ne bintu bidi bimuenebua ne bintu bidi kabî bimuenebua, ne bidi nkuasa ya butumbi anyi makelenge anyi manfumu anyi makokeshi; bintu bionso biakafukibua ku bukole buandi ne bua bualu buandi.

—Kolosai 1.16

### *Kilisto Udi Ufila Munya Ne Ditalala*

Bua kutokeshela badi bashikame mu mîdima ne mu dileshi dia lufu, ne bua kuendesha makasa etu mu nshila wa ditalala.

—Luka 1.79

### *Bademon Ne Satana Badi Banyangakaja*

Muibi udi uluila anu bua kuiba ne bua kushiha ne bua kubutula . . . . —Yone 10.10

. . . Mulau wikale ha buloba, . . . bualu bua diabololo wakuhueka kunudi, muikale ne tshishi tshikole, mumanye ne, Udi ne musangu muihi. —Buakabuluibua 12.12

### *Satana Udi Ufila Mîdima Ne Ntatu*

. . . muntu mubanshi kabidi wakafua, bakamujika. Mu Muaba wa Bafue yeye wakatangila mulu, hakadiye mu makenga . . . .

—Luka 16.22, 23

***Kilisto Udi Bulelela***

Di diakakudimuka muntu, dia-kuikala munkatshi muetu tshituha, diakadi diule tente ne ngasa ne bulelela; tuakumona butumbi buandi, buakadi bu bua muana umuhele udi mulela kudi Tatu wandi. . . . Binuashala mu dî dianyi, nudi bayidi banyi bulelela; ne-numanye kabidi bualu bulelela, ne bualu bulelela nebunuhe budishikaminyi. —Yone 1.14 ne 8.31, 32

***Kilisto Udi Mûle Tente  
Ne Dinanga***

Mu muanda eu tudi bamanye dinanga, bualu bua Yesu wakateka muoyo wandi hanshi bua bualu buetu . . . . —1 Yone 3.16

***Satana Udi Biandi Tatu  
Wa Mashimi***

Nuenu nudi bana ba diabololo, tatu wenu, nudi basue kuenza bu mudi nkuka ya tatu wenu. Ku tshibangidilu yeye wakadi mushi-hianganyi, katu wimana mu bualu bulelela, bua yeye kena ne bualu bulelela munda muandi. Hambeye dî dia mashimi, udi wamba malu andi mene; bua yeye udi muena mashimi, ne udi tatu wau.

—Yone 8.44

***Satana Udi Uvuija Lukuna***

Bikala ba ha buloba n'enu lukuna, nudi bamanye ne, Bakadi n'anyi lukuna diambedi. —Yone 15.18

***Kilisto Udi Usukula Mutshima***

Kadi bituenda mu munya, bu mudiye mu munya, tudi tuikalangana ne buobumue, ne mashi a Yesu, Muan'andi, adi atulengsha ku mibi yonso. —1 Yone 1.7

***Kilisto Udi Usungila Ku Bubi***

Ke bualu budi butambe nunku ne, Hatutshidi tubingishibua mpi ndiu ku mashi andi, netusungidibue ku tshishi tshia Nzambi kudiye. —Lomo 5.9

***Kilisto Udi Ufila Muoyo Wa Tshiendelele***

Eu udi muoyo wa tshiendelele, bua bobo bakumanye wewe, Nzambi umuehele mulelela, ne yeye

uwakatuma, Yesu Kilisto mene.

—Yone 17.3

***Satana Udi Wonesha Muoyo***

Kanudidingi; Nzambi kena usekibua; bualu bua tshintu tshionso tshidi muntu ukuna, ntshiotshio tshiahuoleye. . . . udi ukunyina mubidi wandi bintu, neahuolele mubidi wandi bintu bibole . . . .

—Galatia 6.7, 8

***Satana Udi Ulombola Ku Lufu Lua Tshiendelele***

. . . ntete ya luhela idi bana ba mubi; muena lukuna wakaikuna ndiabololo; . . . ntete ya luhela idi yoshibua mu kahia . . . .

—Matayo 13.38-40a



***Udi Biandi Mukelenge Wa  
Buloba Ebu Mpindieu***

Tshiena (Yesu) nuambila malu makuabo a bungi, bualu bua mukokeshi wa buloba ulualua, yeye kena n'anyi bualu munda muanyi.

—Yone 14.30

***Bikala Malu Kâi Enda Biakane,  
Mbimpe Kumusamina***

Lungenyi elu kenduoluo ludi lufuma mu diulu, kadi ludi lua ha buloba, ludi lua mutshima wa ha buloba, ludi lua bademon. Bualu bua hadi mukau ne difuilangana hadi diyoyo ne malu mabi onso.

—Yakobo 3.15, 16

Hadi Satana ne dikasa dimpe, udi unyanga budishikaminyi bua muena

Kilisto bua katendeledi Kilisto mu butoke. Kadi kena mua kumusha dinanga dia Kilisto mu mutshima wandi.

***Ikala Mu Bulelela Ne Yesu Tô  
Ne Ku Lufu***

Bakadi bakuma Stefano mabue ulomba Mukelenge wamba ne, Mukelenge Yesu, angata muoyo wanyi. Wakatua binu hanshi, wakela di dikole ne, Mukelenge, kubatekedi bubi ebu. Hakambeye dî edi, wakalala tulu. —Bienzedi 7.59, 60

***Mu Bukelenge Bua Kilisto Bua  
Buloba Bujima***

Kuvudisha kua bukokeshi buandi ne kua ditalala kakuena kuikala ne nshikidilu . . . . —Yeshaya 9:7

## 32 MUFUILAKANYI NE KILISTO—MULUE MULOMBODI WA BULOBA

### *Muntu Mubi Nmuhehua Bukole Kudi Satana*

Bana betu, tudi tunusengelela bua dilua dia Mukelenge wetu Yesu Kilisto ne bua kusangishibua kuetu kudiye; Muntu kanudingi muanda wonso; bua dituku adi kadiena dilua anu bialua ditombokela dia Nzambi diambedi, ne anu biabuluibua muntu wa buhidia, muana wa dibutuka mene. Yeye ngudi udimanyika ne udi udibandisha ku mpala kua bionso bidi bidikibua ne, Nzambi, anyi bionso bidi bantu batendelela; nunku yeye udi ushikama mu ntempelo wa Nzambi udilesa kudi bantu ne,

Meme ndi Nzambi.

—2 Tesalonike 2.1, 3, 4

... ne dragon (Satana) wakamuhesha bukole buandi, ne nkuasa wandi wa butumbi, ne bukokeshi bunene. . . . bakamuhesha bukokeshi ha mutu ha tshisamba tshionso, bantu bonso, muaku wonso, ne ditunga dionso.

—Buakabuluibua 13.2 ne 7

Ne bakakukuila dragon bualu bua yeye wakahesha nyama wa luonji bukokeshi buandi, ne bakakuila nyama wa luonji, bamba ne, Udi bu nyama wa luonji nganyi? Udi mua kuluangana n'andi nganyi?  
—Buakabuluibua 13.4

# MUFUILAKANYI NE KILISTO NEALUANGANE NE BANSANTU

33

Yeye neadiule Nzambi Mutambe Bunene wa mu diulu ne mei mabi, neatatshishe bansanto ba Mutambe Bunene wa mu diulu tô ne hahangabo. Neahangidishe bua kukudimuna bikondo bia tshijila ne mikenji, ne bansanto ne bafidibue mu bianza biandi tô ne hahita tshikondo tshimue, bikondo bibidi ne tshituha tshia tshikondo.

—Danye 7.25

... ne bakamuhesha bukokeshi bua kuenze ye malu andi ngondo makumi anai ne ibidi. Ne wakabulula mukana muandi bua kuhe ndeye Nzambi bihendu; bua kuhe-

ndeye dina diandi ne nsubu wandi wa tshilulu, bobo mene badi bikala mu diulu. Bakamuhesha bukole bua kuluanganeye ne basanto ne bua kubatambeye; bakamuhesha bukokeshi ha mutu ha tshisamba tshionso, bantu bonso, muaku wonso, ne ditunga dionso. Ne bonso badi bikala ha buloba ne bamukuile, muntu yonso udi kai ne dina difunda ku tshibangidilu tshia buloba mu mukanda wa muoyo wa Muana wa Mukoko udi mushihibue. Bikala muntu ne matshu, unvue biandi.

—Buakabuluibua 13.5-9

## KUTENDELEDI TSHINFUANYI TSHIA MUFUILAKANYI NE KILISTO

*Mulombodi Wa Malu a  
Mitendelelu Wa Ha Buloba Udi  
Wambuluisha Mufuilakanyi Ne  
Kilisto Bua Kudingaye Buloba  
Kutendelela Anyi Kufua!*

Yeye udi udinga bantu badi bikala ha buloba bualu bua bimanyninu biakadiye uheshibua bua kuenza ku mesu kua nyama wa luonji, wambila badi bikala ha buloba bua kuenzabo tshifuanyikishi tshia nyama wa luonji wakadi ne mputa wa muele wa nvita ne wakushala ne muoyo. Bakamuha bukole bua kutshihesheye muhuya, tshifuanyikishi mene tshia nyama wa luonji, ne bua tshifua-

nyikishi tshia nyama wa luonji tshiakule, ne bua kushihisheye bonso badi kabai bakukuila tshifuanyikishi tshia nyama wa luonji . . . Nyama wa luonji wakuatshibua, ne bakamukuata ne muprofete wa mashimi wakenza bimanyninu ku mpala kuandi . . . bubidi buabo bakedibua ne muoyo mu dishiba dia kahia . . .

—Buakabuluibua 13.14, 15 ne 19.20

*Bantu Ba Nzambi Badi  
Babenga Nzambi Mikuabo*

. . . ne katuena tukuatshila nzambi yebe mudimu, katuena tute-ndelega luhingu lua or luwakuimanyika.

—Danyeke 3.18

**MUFUILAKANYI NE YESU UDI NE LUNGENYI 35**  
**ELU: KUELA MU BUHIKA ANYI**  
**KUSHIHA NE NZALA**

Ne udi wenzesha bonso, ne bakese ne banene, ne babanshi ne bachele, ne badishikamine ne bahika, bua babahe tshimanyinu ha tshianza tshiabo tshia balume anyi ha mpala habo; bua kakuikadi muntu udi mua kusumba, nasha kuhana, anu udi ne tshimanyinu, dina mene dia nyama wa luonji, anyi nomba wa dina diandi. . . . Udi ne dijingulula, abale biandi nomba wa nyama wa luonji; . . . ne nomba wandi udi nkama isambombo ne makumi asambombo ne isambombo. —Buakabuluibua 13.16-18

*Dituku Diakane Nedilue Bua  
Badi Basungidibue*

. . . . Aba mbantu badi bumuka mu dikenga dinene, ne bakuvua mayeka abo ne bakâtokesha mu mashi a Muana wa Mukoko. . . . Kabena bikala ne nsala kabidi, kabena bikala ne nyota kabidi, ne diba kadiena dibosha, nasha luyia lukese; bualu bua Muana wa Mukoko udi munkatshi mua nkuasa wa butumbi neikale mulami wabo, ne neabalombole ku mishimi ya mai a muoyo; ne Nzambi neakuhole tshinsonshi tshionso ku mesu kuabo. —Buakabuluibua 7.14-17

**BANTU BONSO BADI BATENDELELA  
MUFUILAKANYI NE KILISTO BADI NE DIHILA,  
ANYI ABA BONSO BADI BAHETA TSHIMANYINU  
TSHIANDI HAM'BIDI HABO BUA KUIKALA NE  
BUKOKESHI BUA KUSUMBA ANYI KUSUMBISHA  
N'ABO BIA MU BULOBA**

Muanjelo mukuabo, muisatu wakabalonda, wamba ne dî dikole ne, Biakukuila muntu nyama wa luonji ne tshifuanyikishi tshiandi, ne biangateye tshimanyinu ha mpala handi, anyi ha tshianza tshiandi, yeye kabidi, neanue nvi-nyo wa tshishi tshia Nzambi wakalongolodibua kai musangisha ne tshinga tshintu mu luhanza lua tshishi tshiandi; ne neakengeshi-bue mu kahia ne soufre ku mpala kua banjelo ba tshijila ne ku mpa-

la kua Muana wa Mukoko. Ne mu-inshi wa kahia ka dikenga diabo u-di ubanda tshiendelele; ne kabena ne dikisha munya ne butuku, bo-bo badi bakukuila nyama wa luonji ne tshifuanyikishi tshiandi, ne yonso udi wangata tshimanyinu tshia dina diandi. Nakunvua dî difuma mu diulu diamba ne, Funda ne, Bafue badi bafua mu Mukele-nge badi ne disanka katataka tô ne tshiendelele. Nyuma udi wamba ne . . . . —Buak. 14.9-11, 13

**DITSHIMUNYIBUA DIA TSHIMANYINU TSHIA 37**  
**SATANA NE TSHINFUANYI TSHIANDI NEDILUE**  
**HA BULOBA KUMPALA KUA DITUKU DIA TSHIJI**  
**TSHIA NZAMBI KUMUENESHIBUADI**

... banjelo muanda mutekete bikale ne makenga muanda mutekete, ... bualu bua kudiu kudi tshishi tshia Nzambi tshishika. Nakatangila bu mai manene a ntalatala masangisha ne kahia; ne nakatangila badi bahita nyama wa luonji, ne tshifuanyikishi tshiandi, ne nomba wa dina diandi bukole, bimane biabo ha mai manene a ntalatala, bikale ne nkombe ya Nzambi. Nakunvua di dikole difuma ku ntempelo diambila banjelo muanda mutekete ne, Yai bienu nuhongolole mpanza muanda mu-

tekete ya tshishi tshia Nzambi ha buloba.-Buakabuluibua 15.1-2 ne 16.1 (*Buakabuluibua 16-18: bihuhu muanda mutekete ne malu adi abilonda.*)

... ne nakatangila mioyo ya bakoshibua mitu bualu bua bumanyishi buabo bua Yesu, ne bualu bua di dia Nzambi, ne bobo bakadi kabai bakukuila nyama wa luonji, anyi tshifuanyikishi tshiandi, ne bakadi kabai bangata tshimanyinu ha mpala habo ne ha tshianza tshiabo; bobo bakikala ne muoyo, ne bakakokesho ne Kilisto bidimu tshinunu. —Buakabuluibua 20.4

## 38 HA-MEGIDO, NVITA IDI KILISTO WIMANYISHA

***Diabolo Ne Bena Diende Badi  
Bayisha Bisamba Bia Ha  
Buloba Bua Kuluishangana***

Bualu bua idi nyuma ya bade-mon idi yenza bimanyinu, idi iya kudi bakelenge ba ha buloba buonso, bua kubasangisha ku nvita ya dituku dinene dia Nzambi wa Bukole Buonso. . . . Bakabasangisha mu muaba udibo babikila mu muaku wa Buena Ebelu ne, Ha-Megido.

—Buakabuluibua 16.14 ne 16

***Kilisto Udi Usungila Buloba  
Buende Ne Tshisamba Tshiende  
Tshisungula, Isalele***

Monai, nenvuishe Yelushalema bu luhanza lua kudilenduishabo

n'alu . . . . Mu dituku adi nenvuishe Yelushalema bu dibue dihite bujitu kudi bantu bonso . . . . Mu diba adi Yehowa nealuhuke, nealuangane ne ba mu bisamba abi, bu muakaluanganeye mu dituku dia nvita. Edi ndikenga dilualua Yehowa kukengesha n'adi bantu bonso bakaluangana ne Bena Yelushalema, minyinyi ya ham'bidi habo neyibole hatshidibo bimana ne makasa abo, mesu abo neabole mu bihokohoko biabo, ndimi yabo neyibole mukana muabo.

—Zekâya 12.2, 3; 14.3 ne 12

. . . Bikala Nzambi n'etu, nganyi udi mumanye mua kutuhumbisha?

—Lomo 8.31



# KILISTO UDI MULOMBODI WA NSHIKIDILU WA BULOBA

39

Muele wa nvita mutuisha udi uhatuka mukana muandi, bua kutaheye n'au bisamba bia bantu, ne yeye neabakokeshe ne dikombo dia tshiamu; ne yeye udi udiata tshikaminu tshia bukole bua tshishi tshia Nzambi wa Bukole Buonso. Yeye udi ne dina difunda ha tshivualu ne ha tshibelu tshiandi ne, **NFUMU WA BANFUMU, NE MUKELANGE WA BAKELENGE.**

—Buakabuluibua 19.15, 16

***Mufuilakanyi Ne Kilisto Udi Ukokesha Bidimu Bikese. Kilisto Nealombole Ha Buloba Bidimu 1.000 (Tshinunu), Ne Kunyima Neakokeshe Tshiendelele***

... kadi nebikale bakuidi ba Nzambi ne ba Kilisto, ne nebakokeshe n'andi bidimu tshinunu.

—Buakabuluibua 20.6

Mu matuku a bakelenge aba Nzambi wa mu diulu neajadike bukelenge bukuabo budi kabuyi bubutudibua tshiendelele.

—Danye 2.44

## ***Bisamba Bionso Bitumbisha Kilisto Mukelenge***

Ba mu bisamba bionso bia bantu biwakufuka ne balue kukukuila ku mesu kuebe, Mukelenge, nebatumbishe dina diebe.

—Misambu 86.9

## SATANA UDI UHANGILA MU NVITA YENDE NE NZAMBI

Dragon munene wakedibua hanshi, nyoka au wa kale, yeye udi muidikibue ne, Diabolo ne Satana, mudingi wa ba ha buloba bonso; wakedibua hanshi ha buloba, ne banjelo bandi bakedibua n'andi hanshi. Ne nakunvua dî dikole mu diulu, diamba ne, Katataka luhandu ne bukole ne bukelenge bia Nzambi wetu ne bukokeshi bua Kilisto wandi biakulua; bualu bua mubandi wa bana betu ba mu Kilsto, udi ubabanda ku mpala kua Nzambi wetu munya ne butuku udi wedibua hanshi.

—Buakabuluibua 12.9 ne 10

### *Neangate Bielelu Bionso Bia Nvita Ei*

Ne bobo bakamuhita bukole bualu bua mashi a Muana wa Mukoko, ne bualu bua dî dia bumanyishi buabo; ne bobo kabakasua mioyo yabo tô ne ku lufu.

—Buakabuluibua 12.11

### *Nshikidilu Wa Satana Udi Kabutu Ka Tshiendelele*

... ne kahia kakahueka, kafuma mu diulu, ne kakabashidisha. Ne diabolo wakadi ubadinga wakedibua mu dishiba dia kahia ne soufre, ... nebakengeshibue munya ne bufuku tshiendelele.

—Buakabuluibua 20.9 ne 10

# **BUKELENGE BUA TSHIENDELELE MBUA NGANYI? 41**

*Mukelenge Kilisto Udi Ukokesha  
Tshiendelele*

Yehowa, bunene ne bukole ne butumbi ne kutamba ne bulengele butambe mbiebe; bualu bua bintu bionso bia mu diulu ne bia ha buloba mbiebe; Yehowa, bukelenge mbuebe, ne wewe udi ubandishi-bua ku mutu kua bionso.

—1 Kulondolola 29.11

Bua bu mudi bonso bafua mu Adama, nunku mu Kilisto kabidi bonso nebavuishibue muoyo. Kadi muntu ne muntu nebabike mu mulongo wandi: Kilisto, mamuma a kukuama diambedi; ne hashishe, bantu ba Kilisto nebabike halueye. Hashishe, kunshikidilu kulua-

lua, hafiye bukelenge kudi Nzambi, Tatu mene, hajimisheye makelenge onso makuabo ne bukokeshi buonso ne bukole. Budiye n'abu mbua kukokesha tô ne hatekeye bena lukuna n'andi bonso munshi mua makasa andi. Muena lukuna wa kunshikidilu udiye ujimisha ndufu. —1 Kolinto 15.22-26

Muanjelo wa muanda mutekete wakela mpungi; ne mei makole a mu diulu akalua, amba ne, Bukele-nge bua ha buloba buakulua bukelenge bua Mukelenge wetu, ne bua Kilisto wandi, ne yeye neakokeshe tô ne tshiendelele.

—Buakabuluibua 11.15

## 42 SATANA NE BADEMON, KE BENA LUKUNA BEBE

*Satana Udi Wonesha Mubidi Ne  
Muoyo Mu Masandi Hankatshi  
Ha Balume Ne Balume N'abo  
Anyi Bakaji Ne Bakaji N'abo, Mu  
Kushiha Kua Bana Hatshidibo  
Mu Mafu A Baledi (Kutudisha  
Bakaji Mafu), Kuela Bantu  
Bademon*

... balume ... bakasaminanga-  
na mioyo bua nkuka ya mibidi ya-  
bo, balume ne balume ... nunku  
bakadiangatshila difutu dia kutu-  
hakana kuabo . . . . —Lomo 1.27

Mianda ... idiku idi Yehowa u-  
kina; ... bianza bidi bimatshiha  
mashi a badi kabayi ne tshilumbu  
hanshi. —Nsumuinu 6.16, 17

Hashishe, yeye udi uya biandi,  
udi wangata minga nyuma mibi  
muanda mutekete idi mimutambe  
yeye bubi, idi ibuelamu idi ishika-  
ma; malu a muntu au a hashishe a-  
di atamba a diambedi bubi.

—Matayo 12.45

Keba anu Nzambi Wa Muoyo. Kueye-  
menyi “nzambi mukuabo” bua kuheta  
bujinguludi bua mianda (malu) itshilua-  
lua, bua kubala ngenyi ya bantu, bua  
kuheta budishikaminyi bua mubidi anyi  
dilombodibua dia nyuma mikuabo.

Kueyemenyi bulombodi bua nyuma  
kai yonso udi kai Nyuma Muimpe Wa  
Nzambi. Eyemena anu Mukanda wa  
Nzambi Ne Mukelenge Yesu Kilisto.

(Bala Buakabuluibua 19.13.)

*Diyisha Dionso Didi Disesuisha  
Ku Kajila Kabumbakane Ka  
Luse Ne Ka Disukudibua, Ne  
Ka Buhikudi Mu Mashi Ne Mu  
Nfukilu Wa Kilisto Didi Dibi Ne  
Didi Ne Bukokeshi Bua Kudinga*

Yesu wakabandamuna ne, Nue-  
nde badimuke, muntu kanuha-  
mbuishi. Bualu bua ba bungu ne-  
balue mu dina diany, bamba ne,  
Meme ndi Kilisto; nebahambuishe  
bantu ba bungu. . . . Baprofete ba-  
di ne mashimi ba bungu nebabike,  
nebahambuishe ba bungu.

—Matayo 24.4, 5 ne 11

Bualu bua ba bungu badi benda,  
banakanuambila malu abo misa-

ngu ya bungu, ne bandi nuambila  
katataka ne binsonshi ku mesu  
ne, Badi bena lukuna lua mutshi  
mutshiamakane wa Kilisto; badi  
ne nshikidilu wabo muikale dibu-  
tuka, badi ne difu bu nzambi wa-  
bo . . . .

—Filipoi 3.18, 19

*Mashi A Mushinga Mukole A  
Yesu Adi Ahikula*

Bualu bua nudi bamanye ne,  
Tuakahikudibua, kenku bintu bidi  
bijimina, ku argent anyi ku  
ngolo, . . . kadi nuakahikudibua  
ku mashi a mushinga mukole, bu a  
muana wa mukoko kai ne tshile-  
ma ne kai ne ditoba, ku mashi a  
Kilisto mene. —1 Petelo 1.18, 19

***Ndi Mutatshishibue Kudi Bulombodi Bua Mukenji Wa Bubi***

Buonso buetu tuakulua bu muntu mubiha, ne bienzedi bietu biakane bionso biakulua bu tshivualu tshidi tshinyanguke. . . .

—Yeshaya 64.6

***Mufidibue Mu Tshiji Kudi nyuma Wa Tshitshu***

Anuakendamu diambedi bu mudi tshikondo tshia buloba ebu, bu mudi mukelenge wa bukokeshi bua mu luhehele, wa nyuma udi wenzesha katataka munkatshi mua bana ba buhidia. Tuetu kabidi tuakikala munkatshi muabo diambedi, tuakalonda nkuka ya mibidi yetu, tuakalonda malu akadi

mibidi yetu ne meshi etu bisue . . . . —Efeso 2.2, 3

***Satana Udi Ukokesha Eu Udi Kai Musungidibue***

Bikala lumu luimpe luetu ne tshilulu tshikudika, ludi n'atshi anu kudi batshidi bajimina; bakafofomishabo mesu a meshi a badi kabai bitabusha kudi nzambi wa tshikondo etshi, bua dinkenka dia lumu luimpe lua butumbi bua Kilisto, udi tshifuanyikishi tshia Nzambi, kaditemi kudibo.

—2 Kolinto 4.3, 4

***Mu Kilisto Ke Mudi Ditshimuna***

Nunku kakuena dihila mpindiu kudi badi mu Kilisto Yesu.

—Lomo 8.1

# BANTU BADI KABAI BASUNGIDIBUE BADI BA SATANA

45

Budimi budi bantu ba ha buloba; maminu mimpe adi bana ba mu bukelenge bua Nzambi, ntete ya luhela idi bana ba mubi.

—Matayo 13.38

... nudi bana ba diabololo, tatu wenu, nudi basue kuenza bu mudi nkuka ya tatu wenu. . . .

—Yone 8.44

Udi kai n'anyi udi umpidia; udi kai usangisha n'anyi bintu, udi ubitangalasha. —Matayo 12.30

***Ke Bua Tshinyi Tudi Ne Bua  
Kuledibua Tshiakabidi Bantu  
Bahia-Bahia Kudi Nyuma Wa  
Kilisto***

Nunku bikala muntu mu Kili-

sto, yeye udi mufukibue muhia-muhia; malu makulukulu akaya, monai, akalua mahia-mahia.

—2 Kolinto 5.17

Mikoko yanyi idi yunvua di dianyini, ndi muimanye, idi indonda.

—Yone 10.27

***Eyemena Mukelenge Yesu  
Mpindieu***

... monai, katataka ntshikondo tshimpe, monai, katataka ndituku dia luhandu. —2 Kolinto 6.2

Bituatonda mibi yetu, yeye udi wa kueyemenyibua ne udi ne buakane bua kubuikidila mibi yetu, ne bua kutulengesha ku malu mabi onso. —1 Yone 1.9

## 46 MU YESU MUDI KUTSHIMUNA KUA TSHIENDELELE

Udi mua kutuhandulula ku dinanga dia Kilisto nganyi? Ntatu idi mua kuenza nunku, anyi kanyinganyinga, anyi tshinyangu, anyi tshirole, anyi butaka, anyi njû, anyi muele wa nvita? ... Nasha; mu malu â onso tudi tutamba kuhita bualu bua bukole bua Yesu wakatonanga. —Lomo 8.35 ne 37

Bualu bua muanda wonso udi muledibue kudi Nzambi udi uhita malu a ha buloba bukole; ne edi ndihita diakuhita malu a ha buloba bukole, nditabusha dietu.

—1 Yone 5.4

***Mudi Kusambibua bua bonso  
Badi Batamba Bukole***

Udi ne matshu unvue budi Nyu-

ma wambila ekelesia. Kudi udi uhita bukole, nemuhe tshituha tshia mana masokoka, ne nemuhe dibue ditoke, ne ha dibue dina dihiadibia difundahu didi muntu kai mudimanye, anu yeye udi udiangata. —Buakabuluibua 2.17

Udi uhita bukole ne udi ulama midimu yanyi tô ne kunshikidilu, nemuhe bukokeshi ha mutu ha bisamba bia bende.

—Buakabuluibua 2.26

***Wewe Biebe Udi Ne Mushinga  
Mukole Ku Mesu Kua Nzambi.  
Gologota Udi Ujadika Bualu Ebu.  
Ne Momumue Kabidi Nzambi Udi  
Ne Mushinga Mukole Kûdi!***



# SUNGULA UWAKUATSHILA MUDIMU TSHIENDELELE

47

## *Dienzeja Bua Umueneka Ne Kilisto Mu Butumbi*

Nunku binuikala babishibue hohamue ne Kilisto ku lufu, nukebe malu a mu diulu, mudi Kilisto, mushikame ku tshianza tshikole tshia Nzambi. Nuteke meshi enu ku malu a mu diulu, kanuateki ku malu a ha buloba. Hamueneshibua Kilisto udi muoyo wetu, hashishe nuenu kabidi nenumuene-shibue n'andi mu butumbi. Nunku nufuishe bituha bia mibidi yenu ya ha buloba: masandi, malu a bukoya, nkuka ya mubidi, disamina dibi dia mutshima, ne dikuma dia mutshima ku bintu didi kute-

ndelega kua mpingu mene . . . .

—Kolosai 3.1, 2 ne 4, 5

## *Biwapidia Kuenza Nunku, Newikale Biebe Diatshimue Ne Satana Mu Mulau Tshiendelega*

Yeye neambile kabidi badi ku tshianza tshia bakashi ne, Umu-kai kundi, nudi ne mulau, nuye mu kahia ka tshiendelega kadi katemeshela diabololo ne banjelo bandi.

—Matayo 25.41

Budi bantu babi n'abu mbua ku-alukila mu Muaba wa Bafue; bonso mene ba mu bisamba bia bantu badi bahua Nzambi muoyo nebenze nunku. —Misambu 9.17

*Dihuekeshe*

Yeye wakabikila muana mukese, wakamuteka munkatshi mua-bo, wakamba ne, Bulelela, ndi nuambila ne, Binuikala kanui nukudimuna mitshima yenu, binuikala kanui nulua bu bana bakese, kanuena nubuela mu bukelenge bua mu diulu bulelela. Wadihuekesha bu muana eu mukese, yeye udi mutambe bakuabo mu bukelenge bua mu diulu. —Matayo 18.2-4

*Alukila ku Bubi*

Yone wakalua, wakadi ubatiza mu tshihela wambila bantu bualu bua dibatiza dia kukudimuna kua mitshima ne mibi yabo ijimishibue. Hakakuatabo Yone, Yesu wa-

kalua mu Galela, wenda wambila bantu lumu luimpe lua Nzambi, wakamba ne, Matuku akukumbana, bukelenge bua Nzambi budi hehi; kudimunai mitshima yenu, nuitabushe lumu luimpe.

—Mâko 1.4 ne 14, 15

Ndi nuambila ne, Nasha; kadi binuikala kanui nukudimuna mitshima yenu, buonso buenu nenufue muomumue. —Luka 13.3

Kudimunai mitshima yenu, andamukai kabidi, bua mibi yenu ijimishibue; bua bikondo bia kunukankamasha bifume ku mesu kua Mukelenge. —Bienzedi 3.19

(*Tungunuka mu luseke lukuabo lua di-beji.*)

# ITABUJA KILISTO BU MUSUNGIDI WEBE LELU!

## *Udifila Kudi Yesu Kilisto*

Uteke nshila webe mu bianza bia Yehowa; umueyemene yeye kabidi, ne yeye nênze malu andi.

—Misambu 37.5

Bualu bua Nzambi wakatamba kusua ba ha buloba, yeye wakabaha Muan'andi umuehele mulela bua muntu yonso wamuitabusha kafu biandi, kadi ikale ne muoyo wa tshiendelele. —Yone 3.16

Bakamba ne, Itabusha Mukelenge Yesu, neusungidibue ne ba mu nsubu muebe.

—Bienzedi 16.31

## *Nzambi Udi Ufila Bukole Bua Kulua Bana Bende*

Yeye wakaha bonso bakamuitabusha bukole bua kuluabo

bana ba Nzambi, bobo mene badi bitabusha dina diandi.

—Yone 1.12

## *Ambila Bantu Bua Kilisto Hatôke*

Biwajukula ne mukana muebe ne, Yesu udi Mukelenge, ne biwitabusha me mutshima webe ne, Nzambi wakamubisha ku bafue, neusungidibue. Bualu bua bantu badi bitabusha ne mutshima bua kuheta buakane, badi bajukula ne mukana bua kuheta luhandu. Mukanda wa Nzambi udi wamba ne, Wamuitabusha kena ufuishibua bundu. —Lomo 10.9-11

Scripture text reprinted from the Bible in Tshiluba by permission of United Bible Societies Africa Regional Centre, Nairobi, Kenya.

---

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: [www.wmp-contacts.org](http://www.wmp-contacts.org)**

World Missionary Press  
PO Box 120  
New Paris, IN 46553-0120 USA  
[www.wmpress.org](http://www.wmpress.org)

9-24



Read booklets online or by App  
[www.wmp-readonline.org](http://www.wmp-readonline.org)

1428 Tshiluba SVC